

Ասլանը կրկին բաց արեց աչքերը: Այժմ ես թոյլ չտոհի, որ նա դարձեալ խփե աչքերը եւ փոքր-ինչ հանգստանայ: Իմ անհամբերութիւնը այնքան անզուսպ էր, որ ցանկանում էի տեղեկանալ, թէ ինչո՞ւ Ջալլադը այդպէս յանկարծ բաժանոտեցաւ մեզանից, կամ ի՞նչ գործով պետք է զբաղուեր նա, այդ քաղաքում մնալով:

– Դու արդէն գիտես, որ նա քահանայ է եւ բողոքական քահանայ, – իմ հարցին պատասխանեց Ասլանը, գլուխը բարձրացնելով, – իսկ այդ քաղաքում բողոքական հասարակութիւն կայ:

– Այդ ես գիտեմ: Բայց նա նրանց չէ համակրում, եւ որքան նկատեցի ես, մինչեւ անգամ զգուում է նրանցից:

– Հէնց դրա համար էլ նա վճռել է գործել նրանց մէջ, որ ուղղոյն, որ մոլորութեան մէջ չմնան:

– Ինչպէ՞ս մոլորութեան մէջ չմնան:

– Որ հասկանան, կրօնը եւ խղճի ազատութիւնը այլ բան է, իսկ ազգութիւնը այլ բան է: Որ իրանց հայ ճանաչեն, եւ իրանց լուսաւորչական ու կաթօղիկ եղբայրներին սիրեն:

– Լաւ չէ՞ր լինի, որ նրանք ամենեւին բաժանոտ չլինէին մեզանից:

– Լաւ կը լիներ: Բայց քանի որ զանազան տխուր հանգամանքների պատճառով բաժանուել են, քանի որ իրողութիւնը արդէն կատարած է, պետք է հաշտուել փաստի հետ: Այժմ ի՞նչ է մնում մեզ անել, հալածե՞լ նրանց, այդ ոչինչ օգտաւետ հետեւանքի չի հասցնի: Մեզ մնում է՝ աշխատել, կրկին կապել նրանց հետ մեզ, եթէ ոչ կրօնքով, գոնէ ազգայնական կապերով, որ աւելի ամուր է եւ հաստատուն:

– Այդ կարելի՞ է:

– Ինչո՞ւ չէ կարելի:

Ես խլեցի նրա քունը եւ հանգստութիւնը: Մեր խօսակցութեան առարկան այնքան մօտ էր նրա սրտին, որ նա պառկած տեղից բարձրացաւ եւ նստեց: Մոմի լոյսը ուղիղ ընկած էր նրա գունաթափ երեսի վրայ: Այդ դէմքի իւրաքանչիւր փոփոխութիւնը այնքան ծանօթ էր ինձ, որ երբ ես նկատում էի նրա վրայ այժմեան թախծալի դալկութիւնը, արդէն գիտէի, որ նա հոգեկան սաստիկ տանջանքի մէջ էր գտնուում: Ի՞նչ էր պատահել այնօր նրա հետ:

– Կարելի է, – կրկնեց նա: – Չայերը, սկսեալ ամենահին ժամանակներից, մի զարմանալի ընդունակութիւն ունեն, եթէ ոչ նոր կրօնքներ ստեղծելու, բայց գոնէ օտարներից ընդունած կրօնքներին ազգային գոյն ու ձեւ տա-